

孔

廟

禮

樂

考

孔廟禮樂考卷之五目錄

從祀議

定諸弟子從祀之法

曾皙議

林放議

牧皮議

公孫尼議

琴張議

孟懿子議

秦冉顏何議

公孫龍議

公伯寮議

孟武伯議

陳亢議

定歷代諸儒從祀之法

傳經諸儒議

傳論語諸儒議

傳周易諸儒議

傳尚書諸儒議

傳詩諸儒議

傳春秋諸儒議

傳禮諸儒議

傳樂諸儒議

傳孟子諸儒議

孔廟禮樂考卷之五

明後學江漢瞿九思著  
明後學平陽史學遷刻  
明後學王澐刻董漢儒校

定諸弟子從祀之灋

孔子只以仁爲教。定從祀更無它灋。只要將四書沉思細看得之言語文字之外。不爲一切舊說所纏繞。自得。如或人說雍也仁而不佞。而夫子曰不知其仁。是仲弓還畢竟未是仁。如孟武伯問由求赤仁乎。而夫子皆答曰不知。是由求赤還畢竟未是仁。子張是

狂者。子張問達。孔子說色取仁而行違。則狂者既非仁。原憲是狷者。孔子說克伐怨欲不行。可以爲難。仁則吾不知。是狷者亦非仁。孔門以仁爲教。二三子以仁爲學。必成仁方是中行。今仲弓子路冉有公西華子張原憲。既未是仁。便不可爲中行。孔子曰。不得中行而與之。必也狂狷乎。則中行狂狷。正是傳道之人。今欲定配享從祀。只宜分別某人已是仁者。某人不可爲仁。某人近仁。某人不可爲仁。某人爲中行。某人爲狂。某人爲狷。而以孔子所言爲仁近仁之語。卽繫於

各人之下以爲斷案。卽優劣自然可定矣。

魯僖議

孔子說不得中行而與之必也狂狷乎。是自中行而  
下傳統者第一是狂第二方是狷。孟子是傳孔子之  
統者其語言必不會錯。孟子既說魯僖是孔子所謂  
狂則魯僖豈惟當在兩廡似還當列在殿上。今徒以  
下參之故遂配食啓聖祠與顏路伯魚並列。  
顏路視孔子僅少六歲。乃曉得師事孔子本是賢者。  
伯魚學詩學禮之對何嘗從容不迫。本是賢者。孟母  
既賢雖孟父之賢自可想見。但書無明微終未知其

爲何如人乃曾皙之配食僅僅與孟孫同科此譬猶  
今世封君恐不足以重皙且稱氏不如稱子彼公孫  
龍公皙哀之屬其神主尚稱先賢公孫子公皙子顏  
路曾皙伯魚皆聖明賢者其懿行見於論語可考而  
反只稱先賢顏氏曾氏孔氏此不惟非所以待曾皙  
恐亦非所以待顏路伯魚此議創於洪邁申於熊禾  
姚燧謝鐸程敏政而成於永嘉思終未敢謂安邁等  
謂子坐於堂父坐於廡度顏曾子思心必不安是若  
然孝子之至莫大乎尊親所謂尊親只在成其親之



顯名路替伯魚本在兩廡今徒以其子之故夷於啓  
聖祠與孟孫相並此譬猶顏曾子思敵之顏曾子思  
心能安乎此事最難處既不可以父替居於子參之  
下文不可以狂者曾點居於中行曾參之上此須着  
實講求務令處置合宜乃佳

周文安所議它禮一切  
非是獨啓聖之說最爲

起  
脫

### 林放議

林放問禮之本子曰大哉問與樊遲問崇德修慝辨  
惑子曰善哉問語氣相似且魚謂泰山不如林放乎

指其名而稱之意林放或是門人今徒以家語史記  
弟子列傳無林放姓名遂黜其祀似亦未確姑載之  
以備參考

牧皮議

孟子已明說琴張魯齋牧皮孔子之所謂狂者今因  
家語孔叢子及史記皆不載牧皮遂不以牧皮列於  
從祀此是唐玄宗信傳不信經之過乃宋元以來曾  
無一人言及何也牧皮載於孟子必不是莊周寓言  
若以牧皮是別名如南宮适別名爲南容爲南宮縚

爲商。故叔爲仲孫閱之類。則諸書名籍中皆無字。書與牧字皮字相似。其必非別名可知。此一人必須增入。乃是。

公孫尼子議

子書有公孫尼子。漢志尚以爲七十子之弟子。至隋志則直以爲孔子弟子。未知孰是。史記云樂記公孫尼子。以撰季善文。選註載流約云。樂記取公孫尼子。馬總意林引劉瓛曰。緇衣公孫尼子所作。正德六年何孟春言。公孫尼子所作樂記。緇衣可備六藝之文。

宜列從祀。其言頗是似當增入。

琴張議

孟子以琴張魯曾牧皮爲狂。魯曾督牧皮。余業已有議矣。家語琴牢作琴張。而論語有牢曰。子云吾不試則琴張必非子張。亦必非寓言。琴張弔宗魯之說。然否不可知。使琴張弔子桑戶之說。果實則張乃老氏之流。與原壤同。是一般風範。豈應從祀。但余觀莊子載李武子卒。魯曾督倚門而歌。子桑戶死。琴張臨戶而歌。何獨此兩人舉動恰好一樣。恐是因子孟子以琴張魯

贊爲狂遂附會其說如此孔子許仲弓可使南面而  
仲弓以子桑伯子爲問孔子又稱其簡則子桑亦是  
好人而莊子謂琴張與子桑爲友則琴張亦是好人  
由牢曰子云吾不試故藝及仲弓問子桑伯子觀之  
恐琴張尚別有懿行特秦火後偶無可考見耳孔子  
思狂狷而孟子以琴張爲狂者此必當增入無疑

孟懿子議

孟懿子與南宮适都是孟僖子之子都學禮於孔子  
都是孔子門人孔子家語及史記仲尼弟子列傳所

以未載孟懿子姓名者是春秋戰國時說孟懿子是  
貴卿不敢列於弟子唐玄宗不曾思索及此故承舛  
襲訛遂未及列於從祀孔子爲萬世帝者師孟懿子  
不過一上大夫如何便不敢以他爲弟子何其小視  
孔子若說孟懿子得罪聖門爲孔子所棄則墮卽墮  
費之後孟懿子與叔孫州仇惟子路之命是聽恐不  
得爲有罪且懿子惡私家強大正要墮成其圍成不  
克這是他怯懦爲公歛處父所制初非懿子本意亦  
不得指此爲罪且孔門弟子得罪孔子者亦多彼皆

列在從祀何獨懿子不當從祀邪懿子本是箇強臣  
他之從祀何足係孔子輕重但推原家語史記本意  
原是說懿子是貴卿不敢列在弟子非是說懿子有  
罪不當進爲弟子以春秋誅心之法例之還畢竟以  
懿子爲弟子方不墮時人狹小之見縱懿子果有罪  
正當進而在列使彼叔顛自愧正所以施裁成之教  
若使在宮牆之外則愧怍所不裁成所不及反得  
令彼以貴卿自驕非孔子與人爲善之初意矣。

秦冉願何議

秦冉顏何。程敏政何緣知是字畫相似之誤。春秋戰國時以冉字何字爲名如魏冉子服何輩顏多不可枚舉。若謂冉是姓何是姓秦冉顏何當是四姓。則冉是姓雍是姓卜是姓商亦是姓豈可謂冉雍卜商是四姓。不是兩人和。史記仲尼弟子列傳載顏何字冉。索隱證之曰。家語字稱是顏何已載在家語比齊顏之推稱仲尼門徒升堂者七十二。顏氏居八而顏何與焉。陋巷志是顏子家譜已明載顏氏世爲魯國卿大夫。孔門七十子。顏居其八。顏子父無繇字子路。



次曰辛字子柳曰高字子驕曰祖字子襄曰之僕字  
子叔曰何字子冉曰噲字子聲與顏淵爲八何獨疑  
顏何爲誤孔子曰多聞闕疑慎言其餘則寡尤使秦  
冉顏何果爲字畫之誤則善矣儻非有誤而敏政必  
欲黜之竊恐未安。

公孫龍議。

公孫龍白馬非馬墜白同異之辯其說甚詭於正道  
乃小人無忌憚之尤者孔子惡佞恐其亂義正是此  
輩此斷非孔子門人不知他用何計策得竄名於第

子緣他姦僞邪佞既欲以詭異之說博名高於當世。又知得孔子是萬世之師故又以其名託附孔子。圖不朽於將來其爲姦佞殊甚此當議黜。

### 公伯寮說

天地間獨嫉妬一種人最爲可厭妻妾之相妬以地位稍近兄弟之相妬以倫序稍近卿相之相妬以地望稍近。彼其相妬猶爲有理。至於以公伯寮而妬子路是天壤間第一大可駭笑之事。彼曾不思彼之貪爵位耽溫飽恣威福自顧爲何如人物。視子路何啻

天淵乃欲憑藉一時權位寵利舞其智巧恣其曾臆  
愬子路於季孫此與長安尉妬忌蕭鄮侯入相何異  
其意可謂不知量之甚矣子服景伯亦是流輩本不  
足知子路但秉彛好德人所同然故違衆獨立尚欲  
肆諸市朝是妨賢病國之人人所共惡如此司馬遷  
不學無術雖不足知公伯寮子路天壤之別然論語  
已明載寮愬子路遷已明知寮爲聖門罪人乃造化  
弄巧使其顛倒錯亂誤以寮爲仲尼弟子至使唐太  
宗依據史記遂以公伯寮列於學宮與子路並祀直

令人怒髮指冠。然余嘗思之。孟子說行或使之止或  
尼之行止非人所能爲也。天也。彼一時之通塞尚有  
主者。况萬世從祀之榮辱。豈無主者。孔子與子路本  
是兩人。子路之通塞未必卽是孔子之興廢。歷觀論  
語一部家語一部。並未有以門弟子之通塞指爲吾  
道之興廢者。獨此章於子路之通卽曰道之將行。於  
子路之塞卽曰道之將廢。是卽以子路之通塞指爲  
吾道論而至此。公伯寮之罪卽肆諸市朝。似猶未盡  
造化縱草率芒昧。畧不檢點。旣使其得逃於市朝。

誅文使得與於俎豆之末天道卽積久而後定亦不應草率至此昔張武受賂漢文帝不加誅戮又使人賜之金錢以愧其心長孫順德受絹事覺唐太宗使人遺絹數十疋以愧之胡演固爭以爲不可太宗曰彼有人性受絹之辱甚於受刑造化之使寮得與從祀且使子路配食於西廡而寮卽從祀於西廡造化誅寮之意若將謂爾不知聖道之興廢聖賢之出處皆關天意非可乘權藉勢以措媚嫉於其間者當季孫薰灼時季路窮約時而爾多方譏搆力能困之爾

若謂子路之廢興通塞舉在爾股掌中矣。乃曾未幾時。子路遽已大顯貴於魯。而不出數百年。子路遂儼然披華袞爲上公。享受此籩豆簠簋非常之禮樂。二千餘年。春秋享祀之際。爾顧而見之。將措躬何地。使不知愧。卽與唐太宗所云長孫順德何異。又何必肆諸市朝。然後爲誅戮哉。造化此一舉。是安排此最效一著。以教誨後世之讒構聖賢者。使陳賈而知此。必不敢復毀詆伊洛諸儒。至有損無益矣。察之濫厠從祀。在開元二十七年。而其黜祀。在嘉靖十九年。凡八

百四十四年。八百四十四年之間。察之背負芒刺。汗流及踵。雖聊足薄示譴責。然造化此刑。終屬太寬。且使其與諸賢諸儒儼然在列。是寵一當肆諸市朝之罪人。而其他從祀諸儒。舉不足以示重。示榮。天乃篤生我

世宗肅皇帝。毅然黜之。由前而論。是以愧爲刑。由後而論。是以刑爲刑。若察者。亦可爲萬世之永戒矣。不然。數窮理極。有罪不討。幾何其不爲無天道之極哉。

孟武伯議

孟武伯懿子之子父一道余前謂懿子雖貴卿亦當在七十子之列則武伯雖貴卿自當在七十子之列無庸論矣以傳記諸所紀載武伯體段猛厲似不及其父然余謂孔門以仁爲教季康子雖問由求然但問可使從政與孟懿子皆不聞其以仁爲問且以子張之賢不減游夏然其於令尹子文陳文子必直至臨末方問曰仁矣乎則仁之難知可見獨武伯劈初頭便問子路仁乎及孔子不答而乃復又問夫子旣不以仁許由則武伯可以止矣而又復以仁問求



及孔子又不以仁許求。則武伯更可以止矣。而又復以仁問。赤是其勤勤懇懇。真是見得孔門除却仁。便無以爲弟子。除却仁。亦無以爲學。此其高見卓識。過懿子遠甚。夫豈季康子所能及哉。故余欲列懿子於七十子之列者。乃所以降貴卿。見聖人之門。何獨一上大夫。便不可爲門弟子。其欲列武伯於七十子之列者。乃所以昂貴卿。謂貴賤雖殊。其爲仁由已。則一何獨一貴公子。便不可爲聖門高第也。

陳亢議

聖人出來一番。不是說天地間許大擔子。只是我一人可以負荷。直是要這些弟子都大家分此。然後容易辦得。所貴聖門弟子第一要十分篤信。既已篤信。則自然替夫子發揮得許多好道理出來。自然替夫子幹辦得許多好事業出來。孟子說七十子心悅誠服。余已謂信然矣。乃今看來。其餘底還都差不多。却有一箇陳亢左疑右疑。他也不是有別麼腸肚。敢於恣肆。只是他資質十分庸下。他拘常襲故。把前面聖人就看得大。不可當把夫子就看得小。不可言。

來直看既不識夫子是何等人物他聽見朋儕中有  
謂夫子賢於堯舜者有謂自生民以來未有賢於夫  
子者他都如說夢一般不知所談何事聞政之問已  
是一次異聞之間又是一次爲恭之說文是一次其  
他還不足甚怪只是詩書執禮本是夫子雅言如何  
說是聞一得三不知他平日旅進旅退所聞何言平  
日尋行數墨所學何事此是他資質定下真是無可  
奈何余謂此等門人要他何益孔子豈真謂多多益  
善只圖箇擺陣湊數好看不成哉據道理似不當以

陳亢從祀爲是但余又思之子貢是第一篤信底亢  
是第一不信底他兩人既好惡懸殊自然薰猶不當  
復同器而藏矣乃陳亢三番四復一向只跟着子貢  
這是他還有一隙之明不如還仍他從祀亦可又有  
謂凡係子貢弟子却果然不是余謂子貢子禽均爲  
門人子貢於聖門不但聞文章且聞性與天道而子  
禽并終日所雅言詩禮亦未聽得人之知愚賢不肖  
相去天淵一至於此豈不良可痛哉子貢真有大爐  
冶手段爲恭之間他先把如天之不可階而升兩句

從半空中大大充拓他識見一番。死喪人所諦言。當是時。夫子尚在。却就說其死也哀。此豈門人所忍心言及者。這又是將陳亢底那箇爛俗心腸識見。鼎新換過一番。子貢旣如此造就他一番。或此後已進了一格。亦可以不辱聖門矣。

定歷代諸儒從祀之法

定歷代諸儒從祀之法亦須以仁爲主。以令尹子文之忠而夫子曰未知焉得仁。以陳文子之清而夫子曰未知焉得仁。忠與清已是美德。乃還都不算仁。可見忠清之外別有箇麼事在此等處皆當體認。陳文子是清伯夷亦是清而孔子於文子則曰不知其仁。於伯夷便說他求仁而得仁。令尹子文是忠。微子箕子比干亦只是忠而孔子於子文則曰不知其仁。於微箕比干便說殷有三仁。此等處皆最要分析明

白孔子說仁者安仁如程明道中心安仁者元氣之  
會渾然天成。這正是仁者安仁。孔子說仁者必有勇。  
如陳正叔朱元晦性資本畧畧差此。却毅然敢擔當  
繼往開來。此庶幾仁者必有勇。孔子說力行近乎仁。  
以勉強行之爲仁。如程正叔朱元晦薛德溫雖歎於  
資質而躬行實踐庶幾力行近乎仁。孔子說仁者靜。  
如周茂叔說聖人定之以中正仁義主靜立人極。而  
其學專重無欲故靜。此正是仁者靜。其次如陸子靜  
陳公甫皆從靜中有得。此庶幾仁者靜。孔子說仁者

不憂如邵堯夫觀化弄丸果大有所得而陳公甫亦似近之此庶幾仁者不憂孔子說君子無終食之間違仁造次必於是顛沛必於是如程正叔流離顛沛百折不回此庶幾似顛沛必於是孔子說剛毅木訥近仁如司馬君實薛德溫忠信強毅此庶幾剛毅木訥近仁孔子說仁者已欲立而立人已欲達而達人又說教不倦是仁如王仲淹設河汾之教終開闡六經一切欲摸倣孔子然後孔子之道愈重如朱元晦毅然以維世覺民爲已任其所以集漢唐宋諸儒之大



成至死不倦。正是已欲立而立人。已欲達而達人。正是誨人不倦。丘仲深學雖未純。立身行已果尚有可議處。然大學衍義補誠正四要。其學亦細。至於所補治平。則剛舉目張。無所不備。循而行之。足令天下無一不各得其所。其汲汲皇皇。確然欲措天下於雍熙悠久之盛。此是何等心思。恐亦非仁者不能。此庶幾已欲立而立人。已欲達而達人。史記所載周公謚法。卽是汲冢周書謚法解。是後人託爲得之汲冢者。其爲偽書更復何疑。然前代以來。凡定諸帝諸后諸王。

諸臣之謚。如欲謚人以文。其謚議必援引謚法於前。  
曰。按謚法。經緯天地曰文。或道德博聞曰文。或慈惠  
愛民曰文。或修治班制曰文。今某帝云何云何。與經  
緯天地相合。某臣云何云何。與道德博聞相合。宜謚  
之曰文。如欲謚人以恭。其謚議必援引謚法於前曰。  
按謚法。不解爲德曰恭。或尊賢貴義曰恭。或敬事供  
上曰恭。或執事堅固曰恭。今某人云何云何。與不解  
爲德相合。宜謚之曰恭。彼汲冢僞書。後世猶依以爲  
據。况仁者安仁。諸語皆孔子說底。孔門旣以仁爲學。

脈則凡孔廟從祀議如欲以勇於任道之儒從祀必先引孔子論仁語置於某人從祀議前面曰按孔子有云仁者必有勇今某人某德是仁某行是仁其某事是仁者之勇其某德是尊道之勇與孔子仁者必有勇之語相合當從祀孔子廟庭如欲以忠信強毅之儒及光明正大之儒從祀必先引孔子論仁語置於某人從祀議前面曰按孔子有云剛毅木訥近仁今某人某德是剛其德是毅其德是木訥其德是剛其事是毅其事是木訥與孔子剛毅木訥近仁之語

相合當從祀孔子廟庭如欲黜一出處不正之儒當  
先引孔子論仁語置於黜某人從祀議前面曰按孔  
子有云君子去仁惡乎成名今某人某事是貪富貴  
某事是厭貧賤貪富貴厭貧賤便是去仁彼既去仁  
安得成名又安可列於從祀當黜之爲是如欲黜一  
不仁而妄作禮樂之儒當先引孔子論仁語置於黜  
某人從祀議前面曰按孔子有云人而不仁如禮何  
人而不仁如樂何今某人某行某行是爲不仁某事  
某事是爲不仁雖有禮樂之教正與人而不仁如禮

何人而不仁如樂何相合豈宜從祀當黜之爲是愚  
謂凡議從祀必先令輔弼公卿文學侍從將此人所  
著經書子史奏議語錄逐一細看更旁採先儒先臣  
品騭諸語以觀他學術何如心術何如道德政事議  
論何如令各出已見各作一實行考待議論既定將  
衆論會爲一致卽比照古今謚議體格作某人從祀  
議一篇其辨析是非當先以孔語爲主如古今獄詞  
必先引律例爲主其判斷高下直當如老吏斷獄一  
毫那動不得必使天下萬世帖然心服然後可以悠

久若徒據一二人一偏之言遂張口相同以定取舍  
恐所見一偏終不足服天下後世將必隨進隨退莫  
知適從有昔者所進今日不知其亡之弊矣。往昔之  
議從祀者如程子說吾道南矣。姜麟說活孟子活孟  
子此不過出於一人一時偶然之言何足依據。今乃  
連章累牘形於奏疏遂欲執此定萬世之從祀天下  
事之可嘆如此。

歷代諸儒雖非孔門弟子而其學皆孔門所傳。今欲  
祀於孔廟亦須於議祀之下分析明白曰此爲中行

曰此爲狂者。曰此爲狷者。然後與孔子欲傳中行狂狷之意相合。

孔子之言只繫辭論語孟子中所載最真。若禮記所載則其中已有僞託者。凡作謚議似只當引繫辭論語孟子。縱欲引禮記必須擇至精至粹如無欲而好仁及中心安仁等語方可用之。

孔門弟子論仁語如曾子仁以爲己任一節方可引之。如子夏博學篤志一節還不妨引用孟子論仁語亦有不甚純粹者須斟酌引之方得。

孔子之教只論是仁與不是仁。不論講學與不講學。若漢唐以來諸臣必明明講學者方列之從祀。而其它不甚講學者一切置之。則伯夷叔齊微子比干皆孔子所已許爲仁者而當時皆未嘗講學將亦不得謂知學邪。愚意自今以後凡諸臣有道德事功可以爲仁者。即生平不專以講學爲教皆當列入從祀。蓋天下豈有德業已可爲仁而不得爲知學者。但彼不以講學爲題耳。此在酌而行之。不可以講不講爲定

據也。

此言欲定從祀不必專重講學。



凡議從祀。只當論他是仁與不是仁。不當論他講學與不講學。中庸是道統。孔子所謂天下國家可均。爵祿可辭。白刃可蹈。中庸不可能。是說那均得天下。國家辭得爵祿。蹈得白刃。而合不得中庸底。終不可爲仁。及管仲一匡天下。民到於今受其賜。却又說如其仁。如其仁。這就是均天下。國家之合乎中庸底。如夷齊讓國。而孔子說求仁得仁。這就是辭爵祿之合乎中庸底。如微子去之箕子爲之奴。比干諫而死。而孔子說殷有三仁。這就是蹈白刃之合乎中庸底。彼管

仲夷齊微子比干何嘗講學只既已合乎中庸便是仁者既已成仁便與孔門宗旨相合但諸公皆是孔子先輩無列祀廟庭之理矣欲議從祀似便當以此爲擬諸高亮規摹涵養大有儒者氣象此度幾可爲均國家之仁者王通屢辟不就倡明聖學此度幾可爲辭爵祿之仁者文天祥九死不回從容就義此真可爲蹈白刃之仁者其餘狄仁傑韓琦輩若加擬議但論其念念合乎天理事事合乎中庸與否而更不論其講學與否則千載聖人之徒可定不至尚有遺

此發明此  
義不  
重  
學  
意

賢令後世得有遺論矣

此言欲定從祀  
不必專重講學

學是箇有而不有無而不無底物事宇宙間子臣弟  
友妻倫日用何往非學又何必別立箇講學題目故  
宋儒往往有須知學是甚麼所學何事之說這都是  
頂真要尋箇究竟要討箇下落蓋立名講學本是箇  
不可有底又極是箇不可少底春秋時若非得孔子  
開此一線路放在乾坤之內使天下萬世循此則治  
不循此則亂如何了得然後儒芒昧不知講學一事  
是天地興衰撥亂底一箇大機權是聖王勵世磨鈍

底一箇大機括却將來做一段話柄其高者以之盜名其卑者以之竊利豈成道理乃漢唐以來凡定從祀必須講學者然後得與雖世稱韓范富歐爲五百年名世文天祥精忠亮節卓冠千古亦以未嘗立名講學不敢輕議此正是造化微意要畱此講學一脉以爲乾坤興衰撥亂上策此處有多少安排布置在而世人不知凡議到從祀只專向講學上尋討這又是不識造化微意却走在死煞上去了故如今擬議從祀只當論他是仁不是仁全不必論講學與不講

學此千古未嘗理會到者。故余須從實說破。

仁是流貫天下萬世底物事。一問有息。卽不可以言仁。一私尚存。卽不可以言仁。天下萬世有一毫未曾貫徹。卽不可以言仁。孔門學問。最是有體有用。洪不只專治一己。後儒見孔子之教。二三千於漆雕開。不仕。則悅於魯點。浴沂風舞。則喟然與之。於子路。使子羔爲費宰。則以爲賊夫人之子。遂於專一爲己者。輒稱爲真儒。纔一念及於天下。輒指爲出位。輒指爲徇物。輒斥爲鹵莽。馳騫之學。不知孔子教人。何嘗不以

王道但承受各有時。子羔漆雕開此時或時還未到。聖人但憑據此時施教耳。顏子既問爲邦。曾子既已論治國平天下。孔子既以南面許仲弓。以欲立欲達告子貢。以修己安百姓告子路。以四方襁負告樊遲。如何學者但只當修己。便不當一念及於天下。天下卽是己。己卽是天下。除却己。何嘗更有天下。除却天下。又何嘗有己。彼持論者。豈謂克己復禮主敬行恕。只是修己。不卽此就是天下邪。若只專重修己。必不可一念及於天下。則克伐怨欲不行。己是好品。何尚

不得爲仁。後世儒者多以其天資所近爲學。只圖損事。纔一瞋目端坐。深衣博帶。說幾句修己話頭。便自謂吾儒之事已畢。一膜之外。畧不關心。纔見人一言及於天下。便以爲狗物。狗人非聖門爲己之學。不知此等修己話頭。皆可僞爲。若不仔細分別。遂一槩指爲實學。每議從祀。必以斯人稱首。過矣。過矣。經世用世自是聖門正路。孔子子思孟子周流轍環。只是要委曲行道。佛貽公山之往。此是聖人事。雖非賢者所能爲。然苟可以出亦何必以隱爲高。譬如朱子說楊

中立之出。只當論它能做事與否。只當論此時可出否。不必論他出與不出。朱子此說甚是。至論而後人每議及中立。輒以出處疑之。必如或者之論。是處者便爲賢。而出者便爲不賢。以此爲訓。將段干泄柳之徒。充布天下。乾坤宇宙事。當托之何人。裁成輔相。其不得爲通論明矣。愚謂欲定從祀。不必盡以恬退爲高。只看他生平大致。若果是自始至終。由中達外。一念皆合乎天理。無一毫私欲。參雜便可以言仁。便可以從祀孔廟。此等最難討分曉。須細心體認。始得。若



只以恬退爲高。是嚴光管寧之屬。又優於子游子路。柳下惠之由由與偕。亦不得謂之介。伯夷之就養西伯。亦不得謂之清。以此定人。恐於聖門仁道終不得謂之脗合矣。此言欲定從祀不必專重恬退。

孔子於管仲不死者。反以爲仁。而仲弓之居敬。子路之聞斯行之。原憲之不行。克伐怨欲。還不許其爲仁。於言必信。行必果。反以爲硜硜小人。於宗族稱孝。鄉黨稱弟。反以爲次。這裡面有多少道理。有多少話說。有多少分辯。不可一見他孝弟忠信。一見他死難辭。

位。便許他是賢者。且形迹疑似之間。尤當深辯。孟子  
初間專以闕楊墨爲繼統。故好辯章比楊朱墨翟爲  
禽獸。至謂率獸食人。人將相食。及到後面所云楊子  
取爲我。遂不稱楊朱。又不稱楊氏。而稱楊子。所云墨  
子兼愛。遂不稱墨翟。又不稱墨氏。而稱墨子。及到後  
面。不惟不加闕斥。至欲逃墨歸楊。逃楊歸儒。其所謂  
如追放豚。雖何嘗不還視。二子爲禽獸。然其意却含  
蓄。不露何者。孟子到此時。見得楊墨異端之學。其害  
易見。而鄉愿似是而非者。其害難知。故到後面惡楊

墨之意稍輕。而惡鄉原之意甚重。五百有餘歲。章是  
孟子以堯舜道統自任。而其前一章獨悵悵深惡鄉  
原。亂德是孟子到此又不以闢楊墨爲繼承道統而  
專以闢鄉原爲繼承道統。學者豈可不深思而自得  
之。利古今禪學卽是楊墨。古今俗學卽是鄉原。禪學  
固害事。俗學亦害事。若但知深闢禪學而反以深衣  
博帶。舜行禹趨。漠然不以天下爲念者。指爲理學。欲  
俎豆孔廟。其亦未察於孔孟所謂鄉原德之賊。及非  
之無舉刺之無刺一節之說矣。此言欲定從祀。不可深信。僞儒。

盈天地間無一物無有根本。雖天地之大亦然。聖人  
之學卽體卽用。若無本如何做得。譬如日月那懸象  
著明底本是日月。那溥天之下處處同明底亦是日  
月。譬如燈火。那燈薤本是燈。那一室之內處處光明  
底亦是燈。然必有懸象之日月。溥天之下方處處光  
明。若無此日月本體如何能處處光明得。必有此燈  
薤然後一室之內方處處光明。若無此燈薤本體如  
何能處處光明得。由此觀之可見人但當於本體上  
加功。果不必於發用上致力。譬如一部禮記散之一

字卽是日月燈臺之本體。其三千三百卽是日月燈臺之應迹。有了一敬。何患無三千三百。若舍却敬字。而惟於三千三百致力。是件件無根。事事無本。那繁文縟節。都只各在事上。與此禮全不相關。譬如衰麻哭泣。必真有哀痛之容。迫切之情。痛楚之哭。方喚做真是居喪。若裏面無此三者。只光光去擗踊跪拜。安得爲孝。孔子所謂臨喪不哀。吾何以觀及與其易也。寧戚正謂是耳。若吾儒爲學。只專去理會末節。不於本根處徹底究竟。此與易而不戚者何異。縱零星補

湊做得有些小事業終是無頭學問。且天下又寧有  
無本而可以做成事業者哉。若無本而可成事業。是  
日月無縣象之本體。而能令天下有光是燈無燈蓋  
而能令一室有光。豈有此理。吾儒爲學。若果於根本  
上體驗得真。打疊得淨。操持得定。涵養得熟。則一理  
貫通萬世。更有何事。又何必他有所求。但後世儒者  
多假借本根之說。爲方便快捷徑。本不肯讀書窮理。則  
曰程明道每見人讀書。輒調爲玩物喪志。於陰陽造  
化本毫不究心。則曰康節問伊川。今年雷起甚處。伊

川答曰起處起伊川此三字不知煞勝過康節幾多。吾但以理爲學。必不可以象數爲學。本怠惰踈散。毫不以天下國家爲意。則曰紙上閒言。豈可以開物成務。吾但涵養本體。到彼時臨境對陣。自有作用。何必學養子而後嫁。此說一行。於是操存涵養之談。充滿天下。人人自以爲是。牢不可破。不知孔子四教。以文爲首。顏子是亞聖。亦先以博學。次文而後約之。以禮。我非多學而識之之說。是子貢學力已到。故方以一貫語之。彼其初時。豈未嘗從事博學。豈可盡以博學。

爲非包犧文王周公孔子皆聖人。一部易全是象數。若學者只當窮理不當玩數。則四聖何爲作易。豈可以究心象數爲非。孔子刪詩書定禮樂何者非畱心經濟豈可以畱心經濟爲非。後世儒者內不能辨而托爲大言以欺世曰。吾但以主靜主敬爲學。卽天下萬世已一了百當。此言何嘗不是。若果能主靜主敬。此外更有何事。但恐此等說話只是口談。終不能躬行實踐。未嘗體之於身而便已盡之於紙。天下靡然信之以爲此明體適用之學。果真得聖人一貫之傳。



及發於設施全無下落嘉祐熙寧之後嘉靖隆慶之間其行不掩言者殊甚不少故欲議從祀儻不專聽此等空談以定人物卽天下皆回心向道故本尚實不至以偽儒得濫叨聖門禮樂矣

此言欲定從祀不必盡信空談

孔子通天下萬世爲一身凡天下萬世底人孰非孔子門人孔子說可與共學未可與適道可與適道未可與立可與立未可與稚此是通論萬世與天下萬世人共爲此學不只是專論洙泗弟子今欲定從祀當精心分別某人是可與共學者某人是可與適道

者。某人是可與立者。某人是可與權者。新鄭相公說權字甚佳甚妙。權字是變易從道以適於中。卽是中字中之一字。非聖人不能可與權者。自顏子子思之外。已不可多得。濂洛關閩如呂與叔。范淳夫。胡明仲。蔡仲默。輔漢卿之屬。不過是可與共學。卽羅仲素。張敬夫。呂伯恭亦不過是可與適道。到茂叔。伯淳。正叔。子厚。堯夫。君實。仲晦。輩方是可與立。凡作從祀。誠似當一一辯晰明白始佳。孔子說吾十有五而志於學。三十而立。此六句正是孔子之學。孔子之學卽是天

下萬世所當依式樣爲之者可與共學學字卽是孔子志學學字可與立立字卽是孔子三十而立立字後儒於此學若只到可與立還未到可與權是學者只到立上便住了其後面不感知天命耳順不踰矩許多地位都未到得如何可以謂學百尺竿頭更進一步此真不可不勉

此言欲定從祀必須得達到可與權者方可。

予觀古來人物凡劈初倡明道學者多是真底及到後面便自濫觴蓋聖學旣明人得以竊其近似爲學故所云主靜主敬等空談多不足信欲議從祀若盡

以尋聲附響者指爲真儒則濂洛關閩之時談說窮  
理居敬存養省察底何但數百豈能一一盡祀故愚  
謂當博稽於衆獨斷於心舉一二最真最正最純最  
粹者俎豆孔廟方天下學者知所趨向矣

於創始者而  
嚴於繼響者

此言欲定  
從祀當恕

秦公之  
後若無  
漢儒則  
孔子亦  
如未創  
述六經  
一故  
漢儒之  
功為大

# 傳經諸儒議

唐太宗貞觀二十一年所祀子夏左丘明荀况公羊  
高穀梁赤伏勝高堂生戴聖毛萇孔安國劉向賈逵  
鄭眾馬融杜子春鄭玄盧植何休服虔王弼王肅范  
甯杜預等皆以傳經之故至玄宗開元八年子夏升  
於十哲左丘明等仍從祀兩廡嘉靖九年大學士張  
璁本學士程敏政之議請晉明高赤勝安國萇子春  
生仍舊而以盧植鄭眾鄭玄服虔范甯等改祀本鄉  
其荀况劉向戴聖何休馬融賈逵杜預王肅王弼等

罷黜勿祀而

世祖皆從之二臣此論彰善癉惡崇正闢邪培植綱常翼扶世教千百世不能易矣顧予思之夫子說夏禮吾能言之杞不足徵也殷禮吾能言之宋不足徵也文獻不足故也足則吾能徵之矣子貢曰文武之道未墜於地。在人。賢者識其大者。不賢者識其小者。莫不有文武之道焉。夫子焉不學而亦何常師之有。春秋時未經秦火。雖典籍頗多。散亡其宏綱大要。尚皆布在。方策而夫子尚猶以文獻不足爲恨。若文獻

禮記集說

卷之八

禮記集說

卷之八

禮記集說

卷之八

禮記集說

卷之八

禮記集說

卷之八

禮記集說

卷之八

禮記集說

卷之八

俱在夫子所斟酌百王禮樂或尚不止此前史所載

問禮於老聃問官於剡子問琴於師襄雖不足信然

子貢既云天子焉不學而亦何常師之有則其說必

非無據彼不賢者夫子豈樂於以彼為師顧其為天

下萬世訓慮甚多欲斟酌百王甚殷而無可考見目

不得不如此耳況焚書之禍振古所無六經論語悉

為灰燼非前漢諸儒校殘理缺補遺編吾夫子刪

述六經之功將何所托由此論之漢儒之功豈盡出

宋儒下哉但唐太宗當時未加審擇惟依據孔穎達

考以東  
始於生  
有市澤傳  
繼諸儒然  
後有唐宗  
諸儒也

等所纂諸經正義以定從祀故所祀諸儒頗多未當  
愚意報功之典第當舉最先存經傳經者列諸從祀  
蓋六經既存千百世之下自然如日月行天久而彌  
著豈秦漢訓詁諸儒所能窺識彼貞觀之際馬嘉運  
王德韶李子雲齊威趙乾叶朱奢等尚所見未窺一  
班乃遽欲憑其所定何休馬融賈逵杜預王肅王弼  
等以爲斷案夫豈可哉愚謂建武之初重在存經當  
時諸儒若果有存經大功如伏勝之口授尚書孔鮒  
之藏經敗壁者卽其行無可紀述亦當議置元成以



後則六經已存所重不在註疏矣其諸儒訓詁若非理明義精中正典雅果足以發明經義而其行但微有些言議亦當議黜萬一存經諸儒不幸有罪過疵類爲清議所不與亦當念其功大姑與存留子貢所謂不賢者識其小者此不賢者正是實實不賢卽予所謂謂有罪過疵類之人不是賢之小者夫此不賢者孔子只因他識得有文武之道在尚且以他爲師况列於從祀只是以他爲弟子似無不可然予文思之凡諸儒之爲學所以學爲聖賢必其學已得正傳可以

受承道就方可列於孔廟以爲聖人之徒彼公羊高穀梁赤伏勝之輩安知其爲何如人物今但因其有存經之功遂使此輩與周陳張朱並列似亦未安不若於東廡之東別建一祠取孔子文獻不足之語名之曰文獻祠除春秋儒董仲舒學問猶醇者仍從祀兩廡其左丘明公羊高穀梁赤伏勝孔安國毛萇高堂生后蒼杜子春等皆移祀如此并將操行可議而存經有功如戴聖鄭玄之屬者姑與並祀於內大氏最初存經者取之欲害而相繼傳經者取之欲嚴

此則訓詁諸儒既不得與真儒並列而祀之於孔廟之旁又不泯其傳經之功此似亦一說不知果可行否也。

傳論語諸儒議

方今以傳書祀伏勝孔安國以傳詩祀毛萇以傳春秋祀左丘明公羊高穀梁赤董仲舒以傳禮祀高堂生杜子春后蒼即其傳學庸之功已報但論語乃孔門心法爲千聖百王傳心要典泰火之後及乎危殆矣

類漢初諸儒保殘輿壤綿延以至今日其諸儒之功  
寧可泯耶漢興論語有齊魯之別傳魯論語者爲常  
山都尉龔奮長信少府夏侯勝丞相韋賢魯扶卿前  
將軍蕭望之安昌侯張禹皆名家張氏最後出而行  
於世傳齊論語者爲昌邑中尉王吉少府宋畸御史  
大夫貢禹尚書令五鹿充宗膠東庸生唯王陽名家  
陽王吉字也齊論視魯論多問王知道二篇又有古  
論語乃與古文尚書自孔壁出者其筆句與魯論不  
異唯分堯曰子張問以下爲二篇凡二十一篇先篇

謂必非孔子真本乃後人依倣而作不必論矣魯論  
卽今論語張禹本授魯論至晚年以齊論合併爲一  
除去問王知道二篇號張侯論語當世重之以功論  
似當議祀張禹但禹託身王鳳操行不端且非創始  
存經者創始者爲龔奮爲夏侯勝勝從夏侯始昌傳  
尚書如祀勝恐人誤以爲由傳尚書得祀况奮在先  
不若祀龔奮爲可或並祀夏侯勝亦佳

傳周易諸儒議

司馬遷儒林傳雖不足甚信然傳謂魯商瞿受易孔

子孔子卒商瞿傳易六世至齊人田何字子莊而漢  
興商瞿以孔子弟子故已登列從祀矣秦火時周易  
以下筮書不燬其得存天壤於漢儒無功貞觀中孔  
穎達蘇德融趙弘智等最推轂王弼以爲弼所註周  
易深得易旨不知易道精微千載以來竟無有曉知  
其義者豈王弼畧例等所能窺識况王弼與何晏宗  
尚玄虛爲萬世禍始范甯追寃晉室之禍謂其罪深  
在桀紂敏政欲黜之誠是田何雖創始然無大著明  
矯庇駢臂周醜孫虞王同周王孫楊何卽墨成孟仁

傳尚書諸儒議

周顒衡胡無訓詰可考焦贛京房其說雖頗有驗又別爲一家與四聖本旨不類今世易本出賈直先儒又謂其不當以彖傳大小象文言合而爲一必欲議祀則莫若丁寬猶可寬本不及王弼但取其發始不若焦京輩自爲一說耳子夏易爲後人所僞託無疑

尚書已焚於秦火。自濟南伏勝口授其女子。傳楚與  
舜典。皋陶謨。禹貢。甘誓。湯誓。盤庚。高宗彤日。西伯戡  
黎。微子牧誓。洪範。金縢。大誥。康誥。酒誥。梓材。召誥。洛

詞以附  
編新就金  
履得書就  
修有佳者  
當更更之

詰參方多士立政無逸君奭顧命呂刑文侯之命費  
誓秦誓凡二十八篇又漢武得孔壁所藏書二十五  
篇然後尚書粗完勝之當紀無庸更議矣至藏書孔  
壁者其大功與勝等誠宜食報第孔安國尚書序但  
云秦始皇滅三代典籍焚書坑儒我先人用藏其家  
書於屋壁而不言先人爲誰顏師古述家語以爲孔  
騰漢紀尹敏傳又以爲孔鮒所藏隋經籍志謂魯共  
王壞孔子宅得其末孫惠所藏之書三說皆不一按  
鮒字子魚孔子九代孫卽孔叢字鮒弟騰字子襄



長沙太守惠名聚字子產孔子十代孫以功  
謚曰夷又曰惠鮒騰惠乃三人非一人竟莫知藏書  
壁中者爲誰莫知以何人登祀安國孔子十代孫而  
安國以孔壁所得並依古文開其篇第以隸古字寫  
之合成五十八篇又各爲作傳則其功甚大自貞觀  
至今伏勝孔安國以書故得享祀不廢又爲至當

傳詩諸儒議

詩有四家魯詩爲魯人申培公所傳卽所授於浮丘  
伯者齊詩乃齊人轅固生所作韓詩乃燕大傅韓嬰

所作。魯詩亡於西晉。齊詩魏代已亡。韓詩雖存其說多采。取春秋雜說。咸非其本義。故無傳之者。獨趙人毛萇善詩。自云子夏所傳。作古訓。傳是爲毛詩。其說最爲近正。程伯淳最稱許之。自貞觀至今。獨萇以詩故得享祀不廢。元爲至當。鄭衆賈逵馬融雖並作毛詩傳。鄭玄雖作毛詩箋。皆非創始。今鄭衆鄭玄已改祀於鄉。賈逵馬融皆以有疵議見黜。不必更議。

傳春秋諸儒議

春秋獨左氏公羊穀梁三傳並傳於世。先儒謂左丘

胡安國春秋最精思家有所法處然人而正情宜於納庶。

明已見論語巧言令色足恭章。孔子至自稱名於丘  
明之前。疑明或是前輩。而左傳終於哀公癸酉。在孔  
子卒後十一年。疑左傳必非丘明所作。所謂左氏不  
過如左史之類。此說非是。觀孔子無隱等章。是丘也  
等句。尚稱名於門弟子。則稱名於左丘之前。何害。安  
見左丘遂爲前輩。曰洪适謂公羊高實受春秋於子  
夏。風俗通謂穀梁赤亦子夏門人。雖皆已不可考。然  
春秋義精言遠。乃孔子是諸行事之實。非得此三子  
各爲之傳。將何所藉以施聖人衮鉞。今自貞觀以來。

陳說所名  
禮記雖不  
甚佳。然本  
朝已以其  
說取士。似  
亦當祀于  
此祠。項吳  
江徐師曾  
所註禮記  
較陳澧稍  
優。

此二子以春秋故得享祀至今不廢。允爲至當。  
董仲舒雖傳春秋然其學術猶醇似當仍在兩廡。

### 傳禮諸儒議

先王禮經已盡焚於秦火。漢初高堂生傳士禮十七  
篇。又有古經出於淹中。而河間獻王好古愛學。收集  
餘燼得古禮五十六篇。及諸禮儀。又獻周官六篇。至  
宣帝時后蒼能明其業。爲曲臺記數萬餘言。授梁人  
戴德。及德從兄子聖。沛人慶普。於是有大戴小戴慶  
氏三家並立於學官。貞觀中高堂生戴聖已從祀孔

廟嘉靖九年從大學士張璁議戴聖以行見黜復以禮記故進后詹從祀誠至當矣。但后詹乃業禮者非存禮者。存禮之功獨高堂生與河間獻王最大。以二人較之高堂生所得古禮不過十七篇。而獻王所收集古禮至六十一篇。凡周禮儀禮禮記備在。今高堂生已祀而獻王反不得祀。豈以其爲王者不欲列之孔子之側邪。夫民生於三。事之如一。必天子之至尊方不敢以師與君父相抗。自天子而下。卽上公顯相皆得以師道臨之。若謂獻王乃同姓諸王不宜侍側。

則唐宋天下郡國皆建太公望廟。名之曰武成廟。與孔廟並列爲二。又倣文廟配享從祀之制。以前燕太原王慕容恪。後周大冢宰齊王宇文憲。唐司空河間王李孝恭。並列從祀。太原王齊王等皆天子同姓諸王。身都將相。既可侍於齊太公之側。然則河間獻王獨不可侍於夫子之側乎。若謂太公乃諸侯而夫子不過大夫。終屬有間。則天子而下何論諸侯大夫。均屬臣庶。孔子萬世之師。從古盛帝明王尚無不下拜。况同姓諸王耶。獻王最賢。觀周禮缺冬官一篇。彼觀

以千金購之使其得在從祀爲聖門弟子彼慶幸當  
何如耶。后蒼乃戴聖之師黜聖而進蒼誠是然后蒼  
所傳諸禮甚繁故不得立於學宮。今之禮記乃戴聖  
所傳非后蒼所傳者若今之禮記果后蒼所傳則戴  
德戴聖皆后蒼弟子。何戴德之大戴禮其汗漫駁雜  
皆不載中庸大學而中庸大學皆載之戴聖禮記且  
曲禮內則少儀喪禮等皆切近精細種種可行耶。班  
固前漢何武傳所載戴聖罪狀恐非聖事以前史志  
乘考之聖未嘗爲九江太守九江太守乃其兄戴德。

今大戴禮中已明載漢九江太守戴德撰聖既未爲九江太守何武卽爲刺史安從得按劾其罪其誤德爲聖明矣予意六經惟禮最切於人倫日用使非禮記卽五經繁然恐學者無從入手而中庸大學又載在禮記戴聖傳禮之功視諸儒更大若更加考核如九江太守非聖或念其傳禮有功仍復其祀亦無不可不然似亦當祀於其鄉爲是

后蒼雖業禮記蒼乃漢宣帝時人杜子春雖業周禮子春漢哀平時人皆非創始者三禮創始者獨高堂



生河間獻王二人

傳樂諸儒議

樂經已亡矣。所存者性樂記一篇。先儒皆以爲公孫尼子所作。以予觀之。樂記頗精。如樂者。鼓和率神而從天二句。及聖人作樂以應天二句。作樂由天作二句。及流而不息。合同而化。而樂興焉等句。恐非公孫尼不能及。公孫尼雖家語未載。先儒皆以爲實孔子弟子。似當登祀兩廡。自尼之外。它無可考見。傳樂之儒更它無可議者。

傳孟子諸儒議

始皇時孟子以列於諸子。非六經故得不燬。漢儒於孟子無功。但趙岐始通孟子。信之最篤。故其後孟子遂得列於六經。趙岐表章之功。自不可泯。非楊雄韓愈李翱熙時四家註可得並論。如欲論始功。或以岐登祀亦可。

愚所謂傳經諸儒皆以存經者爲始功其餘一再傳  
之後則諸儒所著訓詁甚多非悉心玩索必不能辨  
別高下蓋風氣由漸宣朗人文由漸著明造化道理  
自是如此以一代而論其後出者必優於前以一人  
而論必不能一一盡善蓋人之才識必不能全明於  
此卽闇於彼得其一二焉猶易曉尚書極  
易知若禮樂則已不易識若周易則其道精微終宋  
世尚無能知者至於春秋則聖意淵微卽終古諸儒  
所見恐未必與聖心膺合故予謂明經諸儒必參存

衆人之見。更歷數千載之久。然後能至精至當。豈可  
但據一二訓詁。便謂其有發明之功。遽列之從祀。以  
爲斷案。耶。譬如先儒之論有謂十三經註疏甚佳者。  
予姑以中庸註疏論之。彼之分章。自君子中庸至道  
其不行矣夫。合爲一章。以擇乎中庸。天下國家可均  
合爲一章。以素隱。費隱合爲一章。以道不遠人。素位  
而行。至行險徼幸合爲一章。以射有似乎君子。至父  
母其順。合爲一章。以哀公問政。至及其成功。一也。截  
爲一章。以好學近乎智。至天下畏之。截爲一章。以齊

明盛服一節別爲一章以凡爲天下國家凡事豫則  
立二節合爲一章以在下位一節誠者天之道也博  
學之二節分爲三章以誠者自成及至誠無息至悠  
也久也截爲一章以今夫天至純亦不已別爲一章  
以大哉聖人之道至至道不疑截爲一章以尊德性  
一節別爲一章以居上不驕一節別爲一章以愚而  
好自用至不敢作禮樂截爲一章以吾說夏禮至王  
天下有三重全合爲一章以祖述堯舜至不大聲以  
色合爲一章以聲色之務以化民至末別爲一章夫

程朱所分章段雖未必盡是註疏以吾說夏禮一節合三重全章以爲一章雖是說或猶近似然至於以射有似乎君子提起與譬如行遠相合以好學近乎知提起與九經二節相合此已大謬况不大聲以色與聲色之於以化民原是上呼下應一氣流滾底今只因中間有子曰字遂以此三句分爲前後兩章其謬戾不通足令人輟然發笑由此觀之是鄭玄但遇有子曰字如射有似乎君子及好學近乎知之類便要提起且六經所引詩書有先引詩書而後議論者

如大學治平章樂只君子民之父母之顙是已有先  
議論而後引詩書以證之者如孟子愛人不親章求  
言配命自求多福之顙是已今鄭玄徒欲循禮記孔  
子間居坊記表記緇衣之顙皆從詩云截斷遂至將  
相在爾室二句與不動二句分爲兩節而又與奏假  
二句合爲一節將奏假二句與不賞二句分爲兩節  
而反與不顯三句合爲一節將不大聲二句與聲色  
化民二句分爲兩節而反與德輶如毛合爲一節將  
德輶如毛與毛猶有倫分爲兩節而反與無聲無臭

三句合爲一節。他之識見如此。如何還設漢儒底註。疏有優於宋儒者。由今而觀。是自漢至宋。仁宗以前。凡論中庸者。皆如在夢寐。非程朱分章定節。中庸何有明時。中庸註疏分章之失。或亦是偶然。漢儒議論有絕精絕到。非宋儒可及者。凡天人造化之秘。神化性命之奧。於唐虞三代。發洩未盡者。到漢時一時盡洩。如本草。豈真神農作底。如素問。內經。靈樞。陰符。豈真黃帝作底。看他文字格力。全類漢文。這盡是漢人所作。姑無論陰符。內經之屬。由今觀之。只凡是漢人。



所作片語隻字皆有絕精絕妙道理漢文一句可以  
化爲唐文一篇可以化宋文十篇而到頭還是漢文  
渾厚精到漢天子加意六經由說經可以得高官厚  
祿并他門弟子數十人皆可得高官厚祿他豈不徹  
底盡心此箇註疏字字都是漢儒精心說底余豈敢  
謂註疏不佳但今人說註疏優於宋儒傳註者未必  
實有所據或只是得之想像傳聞之言如說易道已  
盡於王弼這都未是彼王弼何嘗窺見易道一斑且  
六經遺書自歷代以來皆藏在秘閣非外人所得窺

見而先儒多黨同伐異。凡千載相傳以某儒某儒爲是。輒同聲附和從而是之。凡千載相傳以某註某註爲非。卽同聲附和從而非之。其真是真非竟無真見。從祀大典乃乾坤第一大事。如更欲定議。伏願

聖天子盡發中秘六經諸著述。令館閣儒臣分經細玩。假以歲月。必先逐句逐字看過。然後於言語文字之外。觀其大槩。必他果有超見卓識。非意想可及。能補裨綱常性命者。然後議之。其所著若果精果當。而其行不淑者。亦置之勿議。若其行已端而於六經無

碑者亦置之勿議。大氏所議之人必先論其行。後論其書。復論其傳。經著書或在託始之初。或在繼響之後。必以此數者通融酌筭以觀其果有功于聖門與否。然後定議論奏之時。當列爲三款。一德行。其下卽註云其行幾十幾事最佳。其行幾十幾事次之。或全無此言議。或功多過少。或過多功少。與其代某人相似。二經術。必條列其所著其書。其說幾十幾條最精。其說幾十幾語最當。其說幾十幾條最起。與其儒其儒相似。三世代。如傳經諸儒在漢武之初。爲難其推擇。

禮樂志卷之五  
當寬在漢宣以後爲易其擇取當嚴講學諸儒在仁  
宗之初爲難其推擇當寬在神宗以後爲易其擇取  
當嚴此三款須一一辯論明白方可條上如定一人  
從祀必先將其所著諸經傳語錄奏議文集詩集  
逐字看過又將二十一史內本傳及各紀各志各傳  
內載有本人事實者皆一一細閱復傳採古今評斷  
一一折衷然後定議若不廣詢博採精思獨斷而但  
引前人一二偶然之言據以爲案曰某人論此人如  
何某人論此人如何不知彼之一時語言一時取舍

安足爲據。其勢必至所祀者非真儒而真儒猶然未  
祀。所祀者原無明經之功。而果能明經者猶然未祀。  
將何以服千載諸儒之心而定天下萬世之論。然折  
衷群言與論定千載人物果屬至難。若諸儒所著難  
得盡觀。諸儒行誼千載之下難得盡考。則又不若姑  
如予所議惟祀一二最先存經者。而其餘諸儒盡姑  
俟之於後以待論定不識可否。

孔廟禮樂考卷之六

明後學江漢瞿九思著  
明後學平陽史學遷刻  
明後學澶淵董漢儒校

從祀考

小引

余何知敢決擇從祀且竊以茲豈五最遽置一  
喙時也顧茲事體大寧詳毋畧五故以前哲  
擬議既人自爲考矣其有二三三四五人及  
五六七八人甚或至十數人合爲一疏者  
復連合並載之無非欲熱叔並緝備異日者

考覽一助云爾

已祀者

董仲舒元至順元年有議○洪武丙子行人  
楊砥有議○成化丁亥有議○弘治戊申學  
士程敏政有議○正德丙寅學士何孟春有  
議

后詹弘治戊申學士程敏政有議○嘉靖庚  
寅大學士張孚敬有議是年列諸從祀

王通弘治戊申學士程敏政有議○嘉靖庚

寅大學士張孚敬有議是年列諸從祀

韓愈宋元豐七年有議○弘治戊申學士程  
敏政有議○嘉靖庚寅大學士張孚敬有議  
是年列諸從祀

胡瑗元至正間有議○成化乙丑都御史張  
瓚有議○弘治戊申學士程敏政有議○嘉  
靖庚寅大學士張孚敬有議是年列諸從祀  
歐陽修嘉靖丁亥大學士楊一清有議○嘉  
靖庚寅大學士張孚敬有議是年列諸從祀



邵雍宋咸淳三年有議是年列諸從祀

周敦頤宋慶元中著作卽李道傳太常少卿  
徐僑禮部尚書李植皆有議○宋淳祐元年  
有議是年列諸從祀

司馬光宋咸淳三年有議是年列諸從祀

張載宋慶元中著作卽李道傳太常少卿徐  
僑禮部尚書李植皆有議○宋淳祐元  
年有議是年列諸從祀

程顥宋慶元中著作卽李道傳太常少卿徐

僑禮部尚書李植皆有議○宋淳祐元年有議○元至順元年有議是年列諸從祀

程頤宋慶元中著作卽李道傳太常少卿徐僑禮部尚書李植皆有議○宋淳祐元年有議○宋淳祐元年有議○元至順二年有議是年列諸從祀

楊時元至正間杭州路照磨胡瑜有議○正統戊辰將樂縣儒學訓導王昌順有議○弘治戊申學士程敏政有議○弘治辛亥有議

○弘治乙卯有議

胡安國元至正十九年有議○成化丁亥有議

朱熹宋慶元中著作卽李道傳太常少卿徐僑禮部尚書李植皆有議○宋淳祐二年有議是年列諸從祀

張栻宋景定二年有議是年列諸從祀

呂祖謙宋景定二年有議是年列諸從祀

陸九淵弘治己未刑科給事中吳世忠有議

○嘉靖壬午給事中章僑御史梁世驪皆有  
議○嘉靖庚寅行人司司正薛侃有議是年  
列諸從祀

蔡沉正統丁卯有議○成化戊子有議

真德秀元至正十九年有議○正統丁卯有  
議○成化戊子有議

許衡元皇慶二年有議○元延祐二年有議  
是年列諸從祀

薛瑄正統初學士何文淵有議○成化丙戌

濟南知府陳銓國子監監丞李紳有議○弘  
治戊申兵部主事婁性禮科給事中張九功  
刑科給事中吳世忠尚書周弘謨皆有議○  
弘治己未尚書傅潞有議○嘉靖壬午都御  
史姚謨叅政許瓚御史楊瞻樊得仁編修王  
同祖皆有議○隆慶丁卯直隸巡按御史周  
弘祖禮科給事中趙軌戶科都給事中魏時  
亮禮部尚書高儀六科都給事中韓楫等禮  
科左給事中雒遵十三道御史馬三樂李純

朴等給事中楊庶解一貫侍郎張邦奇詹事  
孫承恩祭酒王教學士張治府丞胡守中庶  
子楊維傑諭德龔用卿屠應峻洗馬徐楷中  
允李學詩秦鳴夏閔如霖贊善閻樸司直謝  
之南呂懷編修趙時春唐順之黃佐庶子童  
承叙贊善浦應麟郭希顏大學士嚴嵩俱有  
議○萬曆癸酉戶科給事中趙參魯直隸巡  
按御史梁許工部濟事進士鄒德涵俱有議  
○萬曆甲戌浙江巡按御史蕭原直隸巡按

御史余乾貞禮部尚書高士和俱有議○萬曆甲申祭酒張位洗馬陳于陞右諭德韓世能俱有議

陳獻章隆慶丁卯戶科都給事中魏時亮有議○萬曆甲申禮部尚書陳經邦御史詹事講戶部都給事中蕭彥禮科給事中苗朝陽刑科給事中葉遵工部主事唐鶴徵南京兵科給事中鍾宇淳祭酒張位左諭德徐顯卿洗馬陳于陞右諭德韓世能御史許士良三

都御史趙錦刑部右侍郎舒化詹事沈一貫  
左侍郎周子義大理寺少卿王用汲給事中  
王士性大學士申時行禮部尚書沈鯉等河  
南道御史龔一清禮部都給事中萬象春俱  
有議○萬曆乙酉南京戶部郎中唐伯元有  
議

胡居仁萬曆甲申雲南道御史黃師顏戶科  
左給事中田大年祭酒張位沈馬陳于陞詹  
事沈一貫吏部左侍郎周子義光祿寺寺丞



李禎禮科給事中王士性大理少卿王用汲  
大學士申時行禮部尚書沈鯉俱有議○萬  
曆乙酉南京戶部郎中唐伯元有議

王守仁隆慶丁卯直隸御史耿定向禮部尚  
書高儀戶科給事中魏時亮俱有議○萬曆  
癸酉江西巡撫都御史徐栻戶科給事中趙  
叅魯直隸巡按御史梁許工部辦事進士鄒  
德涵皆有議○萬曆甲戌浙江巡按御史蕭  
廩直隸巡按御史余乾貞禮部尚書高儀

士和皆有議○萬曆甲午禮部尚書陳經邦  
河南道御史詹事講戶科給事中蕭彥禮科  
給事中由朝陽刑科給事中葉遵工部主事  
唐鶴徵用京兵科給事中鍾宇淳祭酒張位  
右諭德徐顯卿洗馬陳于陛右諭德韓世能  
河南等道御史許子良等都察院左都御史  
趙錦刑部左侍郎舒化詹事沈一貫吏部左  
侍郎周子義大理寺少卿王用汲禮科給事  
中王士性大學士申時行禮部尚書沈經等

河南道御史龔一清禮科都給事中萬象春  
雲南道御史黃師顏俱有議○萬曆乙酉南  
京戶部郎中唐伯元有議

未祀者

呂大臨○游酢○尹焞○羅從彥○黃幹○  
張洽○陳淳○魏了翁○何基○王柏○劉  
因弘治己未給事中吳世忠有議

游酢○呂大臨○謝良佐○羅從彥○李侗  
胡宏萬曆甲申少詹沈一貫有議

諸葛亮○管寧○張九齡○陽城宋熊禾有議  
尹焞○李侗○黃幹○羅從彥嘉靖中廢子  
童承叙有議

黃幹○輔廣○金履祥○許謙弘治戊申禮  
部尚書周洪謨有議

何基○王柏○金履祥○許謙成化丁亥辛  
訪有議

胡瑗○孫復○蘇軾宋理宗端平二年有議  
耶律楚材○劉因○許衡湛若水有議

吳與弼○胡居仁○陳獻章庶子董承叙有議

劉子翬○胡宏大學士彭時有議

羅從彥○李侗嘉靖丁亥楊一清有議○周弘祖有議

岳飛○文天祥嘉靖壬午四川叅政許瓚有議

許謨○劉因成化乙酉助教李仲有議

吳與弼弘治戊申婁性有議○弘治己未給

事中吳世忠有議○萬曆甲申戶科給事中  
田大年有議○大理寺少卿王用汲有議  
宋濂○楊士奇弘治戊申婁性有議  
顏何弘治辛酉程敏政有議○

黃憲隆慶申提學徐杕有議

孔穎達王禕有議

范仲淹王禕有議

李侗元至正十九年浙江行省有議○學士  
丘濬有議○嘉靖初提學金賁亨有議○嘉

靖丁亥大學士楊一清有議○隆慶丁卯直隸巡按御史周弘祖有議

劉子翬魏浚有議○大學士彭時有議

陳淳弘治壬子侍郎吳厚有議

魏了翁王禕有議

劉因成化乙酉助教李伸有議

吳澄王禕有議○正統癸亥有議○成化乙

酉知府彭宜有議○弘治辛亥謝鐸有議○

弘治辛酉謝鐸有議○嘉靖庚寅大學士張

璉有議

陳澐成化丁亥學士劉定之有議

陳真晟萬曆甲申御史黃師顏左給事中田  
大年左都御史趙錦詹事沈一貫右諭德韓  
世能給事中王士性尚書沈鯉大理寺少卿  
王用汲俱有議

羅倫萬曆甲午左給事中田大年御史黃師  
顏寺丞李禎詹事沈一貫諭德韓世能禮科  
給事中王士性尚書沈鯉少卿王用汲等俱



有議

章懋萬曆甲申御史黃師顏左給事中田大年寺丞李禎學士周子義左都御史趙錦等詹事沈一貫諭德韓世能給事中王士性尚書沈鯉等郎中唐伯元有議

黃仲昭萬曆甲申御史黃師顏諭德韓世能等尚書沈鯉等有議

吳訥弘治戊申婁性有議

曹端萬曆甲申光祿寺寺丞李禎有議

蔡清萬曆甲申雲南道御史黃師顏祭酒張  
位給事中王士性萬象春諭德韓世能左侍  
郎周子義尚書沈鯉洗馬陳于陞學士沈一  
貫河南道御史龔一清南京戶部郎中唐伯  
元大理寺少卿王用汲俱有議○萬曆戊子  
都御史詹仰庇有議

羅欽順萬曆甲申光祿寺寺丞李禎禮部尚  
書沈鯉左都御史趙錦等郎中唐伯元員外  
蕭景訓大理寺少卿王用汲皆有議

鄒守益萬曆甲申左給事中田大年左都御史趙錦等詹事沈一貫右諭德韓世能尚書沈鯉等給事中王士性皆有議

魏校萬曆乙酉戶部郎中唐伯元有議

呂柟萬曆甲申吏部左侍郎周子義左都御史趙錦等給事中王士性光祿寺寺丞李禎尚書沈鯉郎中唐伯元御史龔一清皆有議  
羅洪先萬曆甲申祭酒張位侍郎舒化員外蕭景訓郎中唐伯元尚書沈鯉皆有議

呂懷萬曆乙酉郎中唐伯元有議

王良萬曆甲申左給事中田大年詹事浣  
貫祭酒張位德德韓世能等郎中唐伯元  
等俱有議

胡直禮部祠祭司主事劉元卿有議

馮應京布衣瞿九思有議